



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Decretvm VI. De oratione publica.

urn:nbn:de:hbz:466:1-14298

D E C R E T V M I . V .

De prejudicio non afferendo.

DEcernimus, si cui contigerit suo loco non federe aut incedere aut vocari, aut aliud quidquam agere, propterea nemini novum jus acquiri, nec quidquam de cuiusquam jure possessione detrahi, sed in eo ipso statu permanere, in quo ante hanc Synodum esse reperiebatur.

D E C R E T V M V .

De non discedendo.

VObis præterea omnibus & singulis, qui huic Synodo de jure vel consuetudine interesse debetis, pœnâ excommunicationis propositâ vetamus, ut ne vestrum quisquam à Civitate discedat, antequam hæc Nostra Diœcefana Synodus de more absolvatur, & dimissa sit; sed huic Synodo, Synodalibusque actionibus, Sessionibus, & conventibus quibuscumque, qui indicentur, omnes & singulos vos interesse volumus, eadem excommunicationis pœnâ propositâ.

D E C R E T V M VI .

De oratione publica.

QVoniam veteris est instituti, solemnisque ritus in Synodali conventu, pro publicis rebus orationem fieri; quod his maxime temporibus faciendum est; ideo in omni prece, & a Sacerdotibus præfertim in Missæ sacrificio, hoc tempore Synodali per integrum octiduum, ad Deum orationem adhiberi edicimus; nimurum

Punctum I. Omnes orent pro Sanctissimo Domino nostro Papa INNOCENTIO X.

II. Pro Serenissimo Archiepiscopo Coloniensi Metropolitano nostro MAXIMILIANO HENRICO, & Antistite nostro FRANCISCO GUILIELMO.

III. Pro unitate & tranquillitate Principum Christianorum, & omnium Statuum Ecclesiae Catholicæ.

IV. Pro pace publica Imperii Romani.

V. Pro constanti perpetuaque Cleri ac populi Diœcesis Osnabrugensis bene pieque agendi perseverantia.

VI. Pro ministris, qui ad Ecclesiæ hujus Osnabrugensis cultum adhibentur.

VII. Pro salutari hujus Synodi successu.

VIII. Pro perfectâ omnium Decretorum executione.

Leito hoc Decreto, Secretarius Synodi denuo descendit ex suggestu, una cum promotribus accessit

ad Illusterrimum; & primus Promotorum instituit pro facienda fidei professione, sub prescriptâ formulâ, ut sequitur.

Reverendissime & Illustrissime Princeps, Domine clementissime. Cavit SS. Concilium Tridentinum, ut omnes, qui beneficia Ecclesiastica consecuti sunt, & qui Synodo Diœcefana interesse debent, in eâ Synodo, quæ primo quoque tempore celebrabitur, fidei professionem faciant ac præstent; prout illa Tridentina sanctiōne expressum est. Ideo nos, hujus Synodi Promotores, humiliter petitum, & requirimus, sanctiōnem illam legi, &c., ad prescriptum, ab iis, qui tenentur, omnia & singula præstari.

Reverendissimus & Illustrissimus respondit; Decernimus & mandamus ita fieri. Discedentibus illis, Secretarius de suggestu legit

D E C R E T V M VII .

De professione fidei facienda.

SAcrosancta Tridentina Synodo illud gravissime sanctum est, ut, quicunque in posterum beneficia Ecclesiastica obtinebunt, qui item in Diœcefana Synodum convenire debent, omnes in eâ ipsâ Synodo, quæ quoquo tempore celebrabitur, fidei professionem præstent. Universos igitur & singulos, hic prælentes, jubemus & præcipimus, fidei professionem præstare, qui eandem in numerâ Synodo non emiserunt.

Leito hoc Decreto, idem Burenus ex cathedra edixit: Accendant igitur omnes & singuli, ut emittant genuflexi dictam fidei professionem.

Mox genuflexerunt, cum Illustrissimo, omnes suis locis; itaque genuflexi permaneserunt, donec, eorum nomine, formula professionis fidei, de suggesto, a Secretario stante & aperto capite, legetur, usque ad illa verba: Sic me Deus adjuvet.

Reverendissimus igitur & Illustrissimus, omnibus bono exemplo prælucere volens, in hac primâ Synodo post restitutionem Episcopatus sui, primus omnium ante altare genuflexus, coram Deo, fidei professionem emisit, in breviori uero sequitur formula.

Ego N. N. recipio, promitto, spondeo, profiteor, detestor, anathematizo, voveo, ac juro, *in decreto & formula professionis fidei, verbis ex bullâ leitis, singula singulis referendo.* Sic me Deus adjuvet & hæc sancta Dei Euangelia. *Mox subiunxit ex Euangeliô S. Ioannis, illud ambabus manibus tangens, In principio erat Verbum, & Verbum erat apud Deum.*

Deinde surrexit Illustrissimus, ac ad ipsius manus mox Dominus Officialis, Promotores, Secretarius, & Aluvarius Synodi, professionem fidei emiserunt, ut aliorum, preter Illustrissimum, fidei professiones excipere possent. Mox Capitulum Cathedrale,